



ჯანმრთელობის დაცვის და სოციალურ საკითხთა
კომისიის სხდომის ოქმი #59

27 აპრილი, 2021 წელი

15:00 საათი

(კომისიის თავმჯდომარის ოთახი)

ა/წ 27 აპრილს ქ.თბილისის მუნიციპალიტეტის საკრებულოში ჩატარდა ჯანმრთელობის დაცვის და სოციალურ საკითხთა კომისიის სხდომა.

სხდომას ესწრებოდნენ ჯანმრთელობის დაცვის და სოციალურ საკითხთა კომისიის წევრები:

1. გიორგი ბირბიჩაძე;
2. გიორგი დოხტურიშვილი;
3. მიხეილ ამაშუკელი;
4. ვლადიმერ მწელაძე;
5. ზაზა მამალაძე.

მოწვეული სტუმრები:

- ქალაქ თბილისის მუნიციპალიტეტის საფინანსო საქალაქო სამსახურის უფროსის მოადგილე ლევან მიქავა;
- ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსის მოადგილე ციალა ჯელაძე.

სხდომის დღის წესრიგი:

„ქალაქ თბილისის მუნიციპალიტეტის 2020 წლის ბიუჯეტის შესრულების წლიური ანგარიშის შესახებ“.

სხდომას თავმჯდომარეობდა ჯანმრთელობის დაცვისა და სოციალურ საკითხთა კომისიის თავმჯდომარე გიორგი ბირბიჩაძე.

გიორგი ბირბიჩაძემ მიესალმა დამსწრე საზოგადოებას და სხდომა გახსნილად გამოაცხადა, დამსწრე წევრებს წარმოუდგინა ქვორუმი და გააცნო დღის წესრიგი.

ქალაქ თბილისის მუნიციპალიტეტის საფინანსო საქალაქო სამსახურის უფროსის მოადგილემ ლევან მიქავამ წარმოადგინა ინფორმაცია „ქალაქ თბილისის მუნიციპალიტეტის 2020 წლის ბიუჯეტის შესრულების წლიური ანგარიშის შესახებ“ წარმოდგენილი ინფორმაციის მიხედვით:

ჯანმრთელობის დაცვის სფეროს დასაფინანსებლად გეგმა განისაზღვრა 22,371.5 ათასი ლარით, საკასო შესრულებამ შეადგინა 21,557.9 ათასი ლარი, ანუ გეგმიური მაჩვენებლის 96.4%, ხოლო სულ ხარჯები და არაფინანსური აქტივების ზრდის საკასო შესრულების – 2%. მათ შორის: | საზოგადოებრივი ჯანდაცვის მომსახურების დაფინანსებამ 2,392.5 ათასი ლარი, რაც გეგმის (2,435.1 ათასი ლარი) 98.3%-ია; | სხვა არაკლასიფიცირებული საქმიანობა ჯანმრთელობის დაცვის სფეროში ასიგნებების დაფინანსებამ შეადგინა 19,165.3 ათასი ლარი, რაც გეგმის (19,936.3 ათასი ლარი) 96.1%-ია;

სოციალური დაცვის სფეროს დასაფინანსებლად გეგმა განსაზღვრული იყო 127,368.3 ათასი ლარი, საკასო შესრულებამ შეადგინა 124,996.5 ათასი ლარი, ანუ გეგმიური მაჩვენებლის 98.1%, ხოლო სულ ხარჯები და არაფინანსური აქტივების ზრდის საკასო შესრულების – 11.7%. მათ შორის: | შეზღუდული შესაძლებლობების მქონე პირთა სოციალური დაცვის დაფინანსებამ შეადგინა 3,415.5 ათასი ლარი, რაც გეგმის (3,631.3 ათასი ლარი) 94.1%-ს შეადგენს; | ხანდაზმულთა სოციალური დაცვის დაფინანსებამ შეადგინა 417.8 ათასი ლარი, რაც გეგმის (445.4 ათასი ლარი) 93.8%-ია; | ოჯახებისა და ბავშვების სოციალური დაცვის დაფინანსებამ შეადგინა 38,540.9 ათასი ლარი, რაც გეგმის (39,690.2 ათასი ლარი) 97.1%-ია; | საცხოვრებლით უზრუნველყოფის დაფინანსებამ შეადგინა 7,652.4 ათასი ლარი, რაც გეგმის (7,748.4 ათასი ლარი) 98.8%-ია; 25 | სხვა არაკლასიფიცირებული საქმიანობა სოციალური დაცვის სფეროში ასიგნებების დაფინანსებამ შეადგინა 74,969.9 ათასი ლარი, რაც გეგმის (75,852.9 ათასი ლარი) 98.8%-ია.

06 01 ჯანმრთელობის დაცვა დაფინანსებულია 21,557.9 ათასი ლარით (გეგმიური მაჩვენებლის 22,371.5 ათასი ლარის 96.4%-ი) შემდეგ ქვეპროგრამებზე:

06 01 02 დაავადებათა სკრინინგი

2020 წლის გეგმა - 1,862.3 ათასი ლარი, დაფინანსდა 100%-ით.

საანგარიშო პერიოდში ჩატარდა კიბოს ადრეული გამოვლენის მიზნით, თბილისში რეგისტრირებული პირების შემდეგი სახის სკრინინგული გამოკვლევები: ტუბუს კიბოს სკრინინგი 40-70 წლის ასაკის ქალებში, საშვილოსნოს ყელის კიბოს სკრინინგი 25-60 წლის ასაკის ქალებში, პროსტატის კიბოს მართვა 50-70 წლის ასაკის მამაკაცებში, კოლორექტალური კიბოს სკრინინგი 50-70 წლის ორივე სქესისათვის, ფარისებრი ჯირკვლის კიბოს გამოკვლევები 25-70 წლის ჩათვლით ასაკის ქალებში. ასევე, დაფინანსდა ა(ა)იპ ეროვნული სკრინინგ ცენტრი 411,5 ათასი ლარით. გაწეულია თანამშრომელთა სახელფასო ფონდის შესავსებად (აპრილი-მაისი), ფულადი ჯილდოს, ოფისის ხარჯები და სხვა.

აღსანიშნავია, რომ დაავადებათა სკრინინგის ქვეპროგრამაში ქალაქ თბილისის მუნიციპალიტეტის საკრებულოს 2020 წლის 9 ივნისის №58-61 დადგენილების შესაბამისად განხორციელდა ცვლილებები, რომელიც ვრცელდება მხოლოდ 2020 წლის 1 ივნისიდან დაწყებულ შემთხვევებზე:

ქვეპროგრამით განსაზღვრული ლაბორატორიული კვლევები (ძუძუს ბიოფსიისას აღებული მასალის ციტოლოგიური კვლევა, pap - ნაცხის ციტოლოგიური კვლევა, კოლპოსკოპიისას აღებული ბიოფსიური მასალის და კოლონოსკოპიისას აღებული ბიოფსიური მასალის ჰისტოლოგიური კვლევა) ხორციელდება ცენტრალიზებულად, ქვეპროგრამის ლაბორატორიული მომსახურების მიმწოდებლების მიერ,

პროსტატის კიბოს სკრინინგის ნაცვლად, შესაბამისი ასაკობრივი კატეგორიის მამაკაცებში ხორციელდება პროსტატის კიბოს მართვა - პროგრამით განსაზღვრული კვლევა ტარდება მხოლოდ სპეციალისტის მიმართვის საფუძველზე, შესაბამისი საჭიროების მქონე პირებზე.

ძუძუს კიბოს, საშვილოსნოს ყელის კიბოს სკრინინგის, პროსტატის კიბოს მართვისა და კოლორექტული კიბოს სკრინინგის ქვეკომპონენტების ფარგლებში შესრულებულ მომსახურებად ჩაითვლება საანგარიშგებო თვეში მოსარგებლისათვის გაწეული მომსახურების მოცულობა.

შეიცვალა ერთეულის ღირებულებები

მიღწეული შუალედური შედეგების შეფასების ინდიკატორები:

საბაზისო მაჩვენებელი - 2019 წლის განმავლობაში ჩატარდა 91554 კვლევა.

დაგეგმილი მაჩვენებელი - იგეგმება 84800 კვლევის ჩატარება.

მიღწეული მაჩვენებელი - ჩატარდა 86333 კვლევა.

06 01 03 გადამდებ და არაგადამდებ დაავადებათა ეპიდემიოლოგიური კონტროლი

2020 წლის გეგმა - 572.9 ათასი ლარი, დაფინანსდა 530.4 ათასი ლარით, რაც გეგმის 92.6%-ია.

საანგარიშო პერიოდში გაწეულია ა(ა)იპ გადამდებ დაავადებათა ეპიდემიოლოგიისა და კონტროლის მუნიციპალური ცენტრის ფუნქციონირების ხარჯები. ასევე, ეპიდემიოლოგიურ კონტროლთან დაკავშირებული სხვადასხვა ღონისძიებები: გადამდებ დაავადებათა (მ.შ. ინფექციური და პარაზიტული) აქტიური და პასიური ეპიდემიოლოგიის მართვა და კონტროლი, ხოლო აღმოცენების შემთხვევაში მათი დროული გამოვლენა, იდენტიფიკაცია, ეპიდემიოლოგიური შესწავლა, ინფექციების გავრცელების შეზღუდვების ღონისძიებების განხორციელება, დაავადებულთან კონტაქტში მყოფი რისკის ჯგუფის კონტიგენტის გამოვლენა და მათი პრევენციულ მკურნალობაში, შესაბამისი ლაბორატორიული ტესტირება, საჭიროების შემთხვევაში დეზინფექცია - დეზინსექცია, იმუნიზაციის განხორციელების ხელშეწყობა, სამედიცინო საგანმანათლებლო საქმიანობა, გადამდებ დაავადებათა შესახებ საინფორმაციო სისტემის მონაცემთა ბაზის შექმნა, დაავადებათა მოკლე და გრძელვადიანი პროგნოზირება და შედეგების შესახებ ინფორმაციის მიწოდება შესაბამისი ორგანოებისათვის, რეკომენდაციების მიცემა სამედიცინო მომსახურების მიმწოდებელთათვის დედაქალაქის მასშტაბით.

კორონავირუსის ინფექციის გავრცელების საწინააღმდეგოდ მიმდინარეობდა ყველა გადმოცემული შესაძლო შემთხვევის ეპიდემიოლოგიის მართვა, კერძოდ უცხო ქვეყნიდან შემოსულ, თვითიზოლაციაში მყოფ და ცენტრში გადმოცემულ კოვიდ დადებით პაციენტებთან კონტაქტში მყოფ პირებზე (დღემდე მიმდინარეობს კოვიდდადებითთან კონტაქტში მყოფთა „მიდევნება“). შესაბამისი ბრძანების და პროტოკოლის მიხედვით ცენტრის გადამზადებული ეპიდემიოლოგიური ახორციელებენ რისკის კონტიგენტში ცხვირ-ხახის ნაცხის აღებას და სათანადოდ ტრანსპორტირებას შესაბამის ლაბორატორიამდე. მათს - დეკემბერში ჰსრ

ტესტირებისთვის გატესტილია ცენტრის პასუხისმგებლობის ქვეშ მყოფი პროტოკოლით გათვალისწინებული რისკის ჯგუფის (მოხუცთა თავშესაფარი, შ.შ.მ პირები, ცენტრის თანამშრომლები) 5193 პირი, ნოემბერ-დეკემბერში სწრაფი ანტიგენტესტირებით გატესტილია 180 პირი, ხოლო სწრაფი ანტიგენ-ანტისხეულით 55 პირი. პროგრამის ფარგლებში მონაწილე ყველა სამედიცინო დაწესებულებაში ხდება PCR კვლევისთვის საჭირო კრიო სინჯარების, აპლიკატორების და სწრაფი ანტიგენტესტების განაწილება. მიმდინარეობს ჩატარებული სწრაფი ტესტების ყოველდღიური ანგარიშგება. ასევე, მიმდინარეობს სეზონური გრიპის ვაქცინაციისათვის საჭირო ასაცრელი მასალის განაწილება და ყოველდღიური ანგარიშგება აცრების ჩატარების შესახებ დაწესებულებების მიხედვით. ზემოაღნიშნულ თვეებში მიუხედავად წითელას შემთხვევების მკვეთრი კლებისა, გრძელდება აქტიური ეპიდზედამხედველობა და 40 წლამდე ასაკის მოსახლეობაში პროფესიული დატვირთვის შესაბამისად სავალდებულო აცრებში ჩართვის რეკომენდაციების გაცემა და წითელაზე აცრაგამოტოვებულ პირთა პროფილაქტიკურ აცრებში ჩართვის სამუშაოები. გრძელდება წითელას ეპიდჩვენებითი აცრების ეპიდზედამხედველობა. ასევე, გრძელდება გოგონებში ადამიანის პაპილომავირუსის (აპვ) საწინააღმდეგო აცრები. კერძოდ, იცრებიან 10-11-12 წლის გოგონები. მიმდინარე წელს აიცრა VI-1555 გოგონა, V2-1415 გოგონა.

COVID19-თან ბრძოლის პარალელურად გრძელდება C ჰეპატიტის სკრინინგკვლევებისათვის, ტანდემტესტირებისათვის და ორსულთა კომბინირებული ტესტირებისთვის საჭირო მასალის - ტესტების მიღება-განაწილება სამედიცინო დაწესებულებებში და შესაბამის პროგრამაში მონაწილე არასამთავრობო ორგანიზაციებში სათანადო ანგარიშგებით.

2020 წელს არაგადამდებ დაავადებათა პრევენციის მიზნით, ლექცია-საუბრები ჩატარდა ვაკე-საბურთალოს რაიონში სილამაზის სალონში „პერლა“ თემაზე არტერიული ჰიპერტენზია და მისი პროფილაქტიკა, ისანი-სამგორის სილამაზის სალონში „გიო“ ჩატარდა ლექცია თემაზე ტყვიით მოწამვლის შესახებ, დიდგორის რაიონის ჯგუფმა საექიმო ამბულატორიის ტაბახმელას ფილიალში ჩატარდა ლექცია საუბრები თემაზე სარძევე ჯირკვლის კიბო და მისი პროფილაქტიკა, დიდუბე-ჩუღურეთის რაიონის, აბასთუმნის 8 მდებარე სილამაზის სალონში ჩატარდა საუბრები თემაზე „ვილსონის დაავადება“, მთაწმინდა-კრწანისის რაიონში რეგიონალური ჯგუფის მიერ ჩატარდა ლექცია სილამაზის სალონში „მარი“ ჭარბი წონა რისკფაქტორები და პრევენცია, გლდან-ნაძალადევის რაიონში პოლიკლინიკა შპს „დეა“-ში ჩატარდა ლექცია თემაზე ჭარბი წონა, რისკფაქტორები და პრევენცია.

მიღწეული შუალედური შედეგების შეფასების ინდიკატორები:

1.საბაზისო მაჩვენებელი - 2019 წელს სამკურნალოდ რეფერირებულთა ხვედრითი წილი იყო 55.4%.

დაგეგმილი მაჩვენებელი - 2020 წელს ივარაუდება ხვედრითი წილი 77.6 %. მიღწეული მაჩვენებელი - ხვედრითი წილმა შეადგინა 80%.

განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - კოვიდინფექციის გავრცელებასთან დაკავშირებით, გადამდებ დაავადებათა შემთხვევის 80%-მა გაიარა სტაციონალური მკურნალობა

2.საბაზისო მაჩვენებელი - პროფილაქტიკური აცრების ეროვნული კალენდრით გათვალისწინებული ვაქცინებით იმუნიზაციის მოცვის მაჩვენებელი 2019 წელს იყო - BCG-99%, ჰეპატიტი-96; ჰექსავალენტური

ვაქცინა-95,6; წწყ1-99; წწყ2-99%; როტა 2-79; პნევმოკოკ. ვაქც. 3-85%; დცტ4-97%; ოპვ3-98%; ოპვ-4-99%; ოპვ-5-99%; დტ-93%; ტდ-98%;

დაგეგმილი მაჩვენებელი - 2020 წელს დაგეგმილი იყო - BCG-98%, ჰეპატიტი-98; ჰექსავალენტური ვაქცინა-95,5; წწყ1-99; წწყ2-99%; როტა 2-85; პნევმოკოკ. 3-85%; დცტ4-97%; ოპვ3-98 ოპვ-4-99%; ოპვ-5-99%; დტ-93%; ტდ-98%.

მიღწეული მაჩვენებელი - მიღწეულია - BCG-98%, ჰეპატიტი-97,1; ჰექსავალენტური ვაქცინა-87,3; წწყ1-93; წწყ2-77,5%; როტა 2-74,4; პნევმოკოკ...3-83%; დცტ4-34%; ოპვ3-30,3; ოპვ-4-60%; ოპვ-5-69%; დტ-36%; ტდ-74%.

განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - კოვიდინფექციის გავრცელებასთან დაკავშირებული ზოგადი შეზღუდვები.

06 01 05 გაფანტული სკლეროზის სამკურნალო მედიკამენტების დაფინანსება

2020 წლის გეგმა - 956.3 ათასი ლარი, დაფინანსდა 717.6 ათასი ლარით, რაც გეგმის 75%-ია.

საანგარიშო პერიოდში დაფინანსდა სამკურნალო მედიკამენტები „ოკრელიზუმაბი“ და „ფინგოლიმოდი“. ქვეპროგრამის მოსარგებლები არიან გაფანტული სკლეროზის (G35) დიაგნოზის მქონე 15-დან 60 წლის ასაკის ჩათვლით საქართველოს მოქალაქეები: ა) რომელთაც დიაგნოზი დასმული აქვთ მაკდონალდის კრიტერიუმების შესაბამისად და კურცკეს უნარშეზღუდულობის სკალის მიხედვით 0-დან 6 ქულის ჩათვლით მიენიჭათ, ბ) რომელთაც ბოლო 3 წლის განმავლობაში უწყვეტად და ამავდროულად, ქვეპროგრამაში ჩართვის დროისთვის ქალაქ თბილისის მუნიციპალიტეტში აქვთ რეგისტრაცია, მათ შორის, ის პირები, რომლებსაც აღნიშნული 3 წლის განმავლობაში შეუწყდათ და კვლავ განუახლდათ ქალაქ თბილისის მუნიციპალიტეტში რეგისტრაცია (თუ ამგვარი შეწყვეტის შედეგად, პირი არ დარეგისტრირებულა სხვა მუნიციპალიტეტში), გ) იძულებით გადაადგილებული პირის სტატუსი მქონე მოქალაქეები, რომლებსაც რეგისტრაციის დამადასტურებელი დოკუმენტის მიხედვით მისამართად უფიქსირდებათ ქალაქი თბილისი. სოციალურად დაუცველი ოჯახების მონაცემთა ერთიან ბაზაში რეგისტრირებულ პირებს, რომელთა სარეიტინგო ქულა არ აღემატება 150 000-ს, მედიკამენტი უფინანსდება სრულად, თანაგადახდის გარეშე, ხოლო ყველა სხვა მოსარგებლეს მედიკამენტი უფინანსდება წესით დადგენილი ტარიფების გათვალისწინებით მედიკამენტის ღირებულების ლიმიტის 80%-ის მოცულობით (თანაგადახდა შეადგენს 20%-ს).

06 01 06 აუტიზმის სპექტრის დარღვევის მქონე ბავშვთა რეაბილიტაცია

2020 წლის გეგმა - 5,210.0 ათასი ლარი, დაფინანსდა 4,792.9 ათასი ლარით, რაც გეგმის 92%-ია.

(ასა) მქონე ბავშვთა განვითარების სტიმულირება, ადაპტაციური ფუნქციონირების გაუმჯობესება და სოციალური ინტეგრაციის ხელშეწყობა, მათი ოჯახის მხარდაჭერა.

საანგარიშო პერიოდში დაფინანსდა მულტიდისციპლინური გუნდის, ერთი ან საჭიროების შემთხვევაში, რამდენიმე სპეციალისტის (ფსიქოლოგი, ფსიქიატრი, ნევროლოგი, ქვევითი თერაპევტი,

ოკუპაციური თერაპევტი, ლოგოპედი, სპეციალური პედაგოგი და სხვა) მიერ მოსარგებლისათვის კომპლექსური თერაპიის თვეში არაუმეტეს 20 ინდივიდუალური სესიის, ინდივიდუალური განვითარების წლიური გეგმის შესაბამისად (მ.შ. გამოყენებითი ქვევითი ანალიზის თერაპია, საჭიროებისამებრ მეტყველების

თერაპია, ოკუპაციური თერაპია და სხვა), ქვევითი ანალიზის თერაპიის სეანსების მინიმალურმა ოდენობა, თვეში 20 სეანსის განსაზღვრის შემთხვევაში შეადგენს არანაკლებ 14 სეანსს, ხოლო 20-ზე ნაკლები სეანსის განსაზღვრის შემთხვევაში, სეანსების ოდენობის არანაკლებ $\frac{3}{4}$, სეანსების ხანგრძლივობა შეადგენს არანაკლებ 1 საათს და თვეში ფინანსდება არაუმეტეს 1230 ზენეფიციარი. ქვეპროგრამის ფარგლებში მომსახურების ერთეულს წარმოადგენს კომპლექსური თერაპიის არანაკლებ ერთსაათიანი ინდივიდუალური ან ჯგუფური სეანსი, რომლის ღირებულება შეადგენს 20 ლარს და ანაზღაურდება ფაქტობრივი ხარჯის მიხედვით.

მომსახურება გაეწია თვეში საშუალოდ 1230 ბავშვს.

გაიზარდა ზენეფიციართა რაოდენობის ლიმიტი 1000-დან 1230-მდე, შესაბამისად გაიზარდა ქვეპროგრამისათვის გათვალისწინებული ასიგნებები.

06 01 07 ძუძუს კიბოს სამკურნალო მედიკამენტების დაფინანსება

2020 წლის გეგმა - 3,720.0 ათასი ლარი, დაფინანსდა 3,693.5 ათასი ლარით, რაც გეგმის 99.3%-ით.

HER2-დადებითი ძუძუს კიბოს ადრეულ სტადიებზე განკურნება; HER2-დადებითი ძუძუს კიბოს ადრეულ სტადიაზე, პაციენტების მედიკამენტოზურ მკურნალობაზე ხელმისაწვდომობა, მეტასტაზების გაჩენის პრევენცია.

ა) HER-2 დადებითი ადგილობრივად გავრცელებული (I-III სტადია) ძუძუს კიბოს დიაგნოზის ან რადიკალური ოპერაციის შემდგომ განვითარებული რეციდივის შემთხვევაში – ტრასტუზუმაბი ან ჰორმონულყოფითი და დადებითი ნოდალური სტატუსის შემთხვევაში-ტრასტუზუმაბს+პერტუზუმაბი, ბ) კონსილიუმის დასკვნის (რომელიც მოიცავს შესაბამისი პროფილის სხვადასხვა კლინიკის არანაკლებ, 3 ლიცენზირებული ექიმის დასკვნას) საფუძველზე, პაციენტის საჭიროებიდან გამომდინარე, დანიშნულების შესაბამისად, HER-2 დადებითი მეტასტაზური ძუძუს კიბოს დიაგნოზის შემთხვევაში – ტრასტუზუმაბი ან პერტუზუმაბი+ტრასტუზუმაბი, გ) კონსილიუმის დასკვნის (რომელიც მოიცავს შესაბამისი პროფილის სხვადასხვა კლინიკის არანაკლებ, 3 ლიცენზირებული ექიმის დასკვნას) საფუძველზე, პაციენტის საჭიროებიდან გამომდინარე, დანიშნულების შესაბამისად, HER-2 დადებითი მეტასტაზური ძუძუს კიბოს დიაგნოზის შემთხვევაში ლაპატინიბი. სოციალურად დაუცველი ოჯახების მონაცემთა ერთიან ბაზაში რეგისტრირებულ პირებს, რომელთა სარეიტინგო ქულა არ აღემატება 150 000-ს, მედიკამენტი უფინანსდებათ სრულად, პროგრამით გათვალისწინებული ტარიფის შესაბამისად, თანაგადახდის გარეშე, ხოლო ყველა სხვა მოსარგებლეს – 80%-ით, გარდა „ბ“ ქვეპუნქტით გათვალისწინებული ტრასტუზუმაბის დაფინანსების შემთხვევისა, როდესაც მედიკამენტი-ტრასტუზუმაბი ფინანსდება ღირებულების – 50%-ის მოცულობით (ასეთ შემთხვევაში, პაციენტის თანაგადახდა შეადგენს ქვეპროგრამით დადგენილი მედიკამენტის ღირებულების ლიმიტის 50%-ს).

დაგეგმილი მაჩვენებელი - დაფინანსდება 144 შემთხვევა.

მიღწეული მაჩვენებელი - დაფინანსდა 158 შემთხვევა.

06 01 08 ფსიქიკური ჯანმრთელობის სათემო მომსახურება

2020 წლის გეგმა - 600.0 ათასი ლარი, დაფინანსდა 587.0 ათასი ლარით, რაც გეგმის 97.8%-ია.

საანგარიშო პერიოდში დაფინანსდა შემდეგი ღონისძიებები: მულტისისტემური ინტერვენცია 5-17 წლის ასაკის ბავშვებსა და მოზარდებში და აქტიური (ასერტული) ფსიქიატრიული მკურნალობა 18 წლის ასაკის ზემოთ მოზარდილებში.

2019 წელს დახმარება გაეწია თვეში საშუალოდ 170 ბენეფიციარს (მათ შორის 38% ქალი, 62 % კაცი).

06 01 13 ტრანსპლანტაცია

2020 წლის გეგმა - 9,450.0 ათასი ლარი, დაფინანსდა 9,374.3 ათასი ლარით, რაც გეგმის 99.2%-ია.

ოპერაციული მკურნალობის ხელმისაწვდომობა, ონკოპათოლოგიური და ღვიძლის დაავადებების მქონე პაციენტებისთვის, რომლებიც საჭიროებენ ძვლის ტვინის და ღვიძლის ტრანსპლანტაციას.

საანგარიშო პერიოდში დაფინანსდა, განცხადებით მიმართვამდე ბოლო 1 წლის განმავლობაში უწყვეტად და ამავდროულად ქვეპროგრამაში ჩართვის მომენტისათვის, თბილისში რეგისტრირებული (მათ შორის, იძულებით გადაადგილებული პირის სტატუსის მქონე პირები, რომლებსაც დევნილის სტატუსის დამადასტურებელი დოკუმენტის მიხედვით, რეგისტრირებულ მისამართად უფიქსირდებათ - ქალაქი თბილისი) ონკოპათოლოგიური დაავადებების მქონე ძვლის ტვინის ტრანსპლანტაციის და ღვიძლის ტრანსპლანტაციის საჭიროების მქონე საქართველოს მოქალაქეებისათვის შემდეგი ღონისძიებები: ძვლის ტვინის (დეროვანი უჯრედების) ტრანსპლანტაციის წინა კვლევები, მაღალდოზირებული ქიმიოთერაპია, ტრანსპლანტაცია (აუტოლოგიური ტრანსპლანტაცია, ალოგენური ტრანსპლანტაცია, ჰაპლოიდიენტური ტრანსპლანტაცია), მათ შორის, პაციენტის კონდიცირება – ორგანიზმის მომზადება ტრანსპლანტაციისათვის და პოსტტრანსპლანტაციური პერიოდის მართვა, ღვიძლის ტრანსპლანტაცია. საანგარიშო პერიოდში დაფინანსდა 191 შემთხვევა, მათ შორის: 185 - ძვლის ტვინის ტრანსპლანტაციის კომპონენტის ფარგლებში, ხოლო 6 - ღვიძლის ტრანსპლანტაციის კომპონენტის ფარგლებში.

დაგეგმილი მაჩვენებელი - დაგეგმილი იყო 92 ბენეფიციარის დაფინანსება.

მიღწეული მაჩვენებელი - დაფინანსდა 191 ბენეფიციარი.

06 02 სოციალური დაცვა დაფინანსებულია 125,000.5 ათასი ლარით (გეგმიური მაჩვენებლის 127,379.8 ათასი ლარის 98.1%-ი) შემდეგ ქვეპროგრამებზე:

06 02 01 კომუნალური სუბსიდირება

2020 წლის გეგმა - 7,202.0 ათასი ლარი, დაფინანსდა 6,591.2 ათასი ლარით, რაც გეგმის 91.5%-ია.

დაგეგმილი შუალედური შედეგები: ელ-ენერჯის, დასუფთავების, წყლის კომუნალურ სერვისებზე ხელმისაწვდომობა.

საანგარიშო პერიოდში სოციალურად დაუცველი ოჯახების მონაცემთა ერთიან ბაზაში თბილისში რეგისტრირებულ 200 001-მდე სარეიტინგო ქულის მქონე ოჯახებისათვის/აბონენტებისათვის განხორციელდა ელექტროენერჯის, წყლის გადასახადზე და დასუფთავების მოსაკრებელზე სუბსიდიის დარიცხვა.

დაგეგმილი მაჩვენებელი - დაგეგმილია 40075-მდე ოჯახის სუბსიდირება საშუალოდ თვეში (5 თვის განმავლობაში)

მიღწეული მაჩვენებელი - განხორციელდა 32604 ოჯახის სუბსიდირება საშუალოდ თვეში (5 თვის განმავლობაში).

განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - COVID19 პანდემიის პირობებში, საქართველოს მთავრობის მიერ განხორციელდა მოქალაქეებზე სუბსიდიის დარიცხვა (200 კვტ/სთ-ზე ქვემოთ მოხმარების მქონე ოჯახებისათვის).

06 02 02 სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარება

2020 წლის გეგმა - 10,230.0 ათასი ლარი, დაფინანსდა 10,225.3 ათასი ლარით, რაც გეგმის 99.9%-ია.

საანგარიშო პერიოდში ყოველთვიური მატერიალური დახმარება 50 ლარის ოდენობით გაეწია სოციალურად დაუცველი ოჯახების მონაცემთა ერთიან ბაზაში (ოჯახის სარეიტინგო ქულა 70 000 და ნაკლები) რეგისტრირებულ მრავალშვილიან ოჯახებს 18 წლამდე ასაკის თითოეულ ბავშვზე. ფინანსური დახმარება გაეწია საშუალოდ თვეში 4861 ოჯახს - 16 870 ბავშვზე.

მიღწეული შუალედური შედეგების შეფასების ინდიკატორები:

საბაზისო მაჩვენებელი - 2019 წელს დახმარება გაეწია თვეში საშუალოდ 15648 ბავშვს, მათ შორის საშუალოდ 50% გოგონა, 50% ბიჭი.

დაგეგმილი მაჩვენებელი - იგეგმება თვეში საშუალოდ 16500 ბავშვის დაფინანსება, მათ შორის საშუალოდ 50% გოგონა, 50% ბიჭი.

მიღწეული მაჩვენებელი - დახმარება გაეწია თვეში საშუალოდ 16870 ბავშვს, მათ შორის საშუალოდ 50% გოგონა, 50% ბიჭი.

განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - ზრდა განაპირობა სოციალურად დაუცველი ოჯახების მონაცემთა ერთიან ბაზაში რეგისტრირებულთა ცვლილებამ.

06 02 04 შეზღუდული შესაძლებლობის მქონე მოზარდთა საკურორტო-სამკურნალო რეაბილიტაცია

დაფინანსებულია 1,097.6 ათასი ლარით (გეგმიური მაჩვენებლის 1,152.2 ათასი ლარის 95.3%-ი) შემდეგ ქვეპროგრამებზე.

06 02 04 01 შეზღუდული შესაძლებლობის მქონე პირთა საკურორტო მომსახურება

2020 წლის გეგმა - 1,152.2 ათასი ლარი, დაფინანსდა 1,097.6 ათასი ლარით, რაც გეგმის 95.3%-ით.

საანგარიშო პერიოდში დაფინანსდა შრომითი ხელშეკრულებით დასაქმებული პირის შრომის ანაზღაურება, ხოლო საკურორტო მომსახურების ნაწილში ანაზღაურებული იქნა 1353 ვაუჩერი, რომლითაც ისარგებლა ერთმა შეზღუდული შესაძლებლობის მქონე პირმა და მინიმუმ ერთმა გამყოლმა.

საბაზისო მაჩვენებელი - 2019 წელს გაიცა 1387 ვაუჩერი, მათ შორის 37,6% გოგონა, 62.4% ბიჭი.

დაგეგმილი მაჩვენებელი - დაიგეგმა 1295 ვაუჩერების გაცემა, მათ შორის 37.6% გოგონა, 62.4% ბიჭი.

მიღწეული მაჩვენებელი - დაფინანსდა 1353 ვაუჩერი, მათ შორის 43.6% გოგონა, 56.4% ბიჭი.

06 02 05 100 წელს მიღწეულ მოქალაქეთათვის ერთჯერადი დახმარება

2020 წლის გეგმა - 38.0 ათასი ლარი, დაფინანსდა 100%-ით.

საანგარიშო პერიოდში ერთჯერადი მატერიალური დახმარება გაეწია 100 წელს მიღწეულ 38 მოქალაქეს.

მიღწეული შუალედური შედეგების შეფასების ინდიკატორები:

საბაზისო მაჩვენებელი - 2019 წელს დაფინანსდა 33 ბენეფიციარი

დაგეგმილი მაჩვენებელი - დაიგეგმა 38 ბენეფიციარის დაფინანსება

06 02 06 სოციალურად დაუცველი მოსახლეობის სერვისების მიწოდება

დაფინანსებულია 2,021.1 ათასი ლარით, რაც გეგმის (2,069.0 ათასი ლარი) 97.7%-ია. ქვეპროგრამის ფარგლებში სოციალურად დაუცველი ოჯახების ბავშვთა უფასო სწავლება ყოველთვიურად ფინანსდება ხელოვნების სკოლებში (32 სკოლა), მოსწავლე ახალგაზრდობის სახლებში (9 ფილიალი) და სასახლეში, სპორტულ სკოლებსა და საცურაო აუზებში (29 სკოლა/ცენტრი/აუზი/ფედერაცია).

06 02 06 01 უფასო სწავლება მოსწავლე ახალგაზრდობის სახლებში და სასახლეში

2020 წლის გეგმა - 567.5 ათასი ლარი, დაფინანსდა 556.1 ათასი ლარით, რაც გეგმის 98%-ია.

საანგარიშო პერიოდში დაფინანსდა სოციალურად დაუცველი ოჯახების მონაცემთა ერთიან ბაზაში 70 000 და ნაკლები სარეიტინგო ქულით რეგისტრირებული ოჯახების 18 წლამდე ასაკის ბავშვთა უფასო სწავლება მოსწავლე-ახალგაზრდობის სახლებში და სასახლეში (ბავშვთა რაოდენობა: საშუალოდ 1833 თვეში).

საბაზისო მაჩვენებელი - 2019 წელის დაფინანსებით ისარგებლა თვეში საშუალოდ 1927 ბავშვმა, (საშუალოდ 51.4% გოგონა, 48.6% ბიჭი)

დაგეგმილი მაჩვენებელი - დაგეგმილია 1987 ბავშვის სწავლების დაფინანსება საშუალოდ თვეში, მათ შორის საშუალოდ 54.1% გოგონა.

მიღწეული მაჩვენებელი - დაფინანსდა თვეში საშუალოდ 1833 ბავშვის უფასო სწავლება, მათ შორის საშუალოდ 51.4% გოგონა, 48.6% ბიჭი.

განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე: შემცირება განაპირობა სოციალურად დაუცველი ოჯახების მონაცემთა ერთიან ბაზაში რეგისტრირებული ბენეფიციარების რაოდენობის ცვლილებამ და COVID19 პანდემიის გამო წარმოქმნილმა შეფერხებებმა.

06 02 06 02 უფასო სწავლება ხელოვნების სკოლებში

2020 წლის გეგმა - 988.0 ათასი ლარი, დაფინანსდა 985.6 ათასი ლარით, რაც გეგმის 99.8%-ია.

საანგარიშო პერიოდში დაფინანსდა სოციალურად დაუცველი ოჯახების მონაცემთა ერთიან ბაზაში 70 000 და ნაკლები სარეიტინგო ქულით რეგისტრირებული ოჯახების 18 წლამდე ასაკის ბავშვთა უფასო სწავლება ხელოვნების სკოლებში (ბავშვთა რაოდენობა: საშუალოდ 2528 თვეში).

საბაზისო მაჩვენებელი - 2019 წელს დაფინანსებით ისარგებლა საშუალოდ თვეში 2 524 ბავშვმა, (მათ შორის საშუალოდ 59% გოგონა, 41% ბიჭი.)

დაგეგმილი მაჩვენებელი - დაიგეგმა საშუალოდ თვეში 2 574 ბავშვის დაფინანსება, (მათ შორის საშუალოდ 59% გოგონა, 41% ბიჭი.)

მიღწეული მაჩვენებელი - დაფინანსებით ისარგებლა 2 528 ბავშვმა, საშუალოდ თვეში, მათ შორის საშუალოდ 59% გოგონა, 41% ბიჭი.

განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე: შემცირება განაპირობა სოციალურად დაუცველი ოჯახების მონაცემთა ერთიან ბაზაში რეგისტრირებული ბენეფიციარების რაოდენობის ცვლილებამ და შექმნილმა ეპიდემიოლოგიურმა მდგომარეობამ.

06 02 06 03 უფასო სწავლება სპორტულ სკოლებში და საცურაო აუზებში

2020 წლის გეგმა - 433.5 ათასი ლარი, დაფინანსდა 401.1 ათასი ლარით, რაც გეგმის 92.5%-ია.

საანგარიშო პერიოდში დაფინანსდა სოციალურად დაუცველი ოჯახების მონაცემთა ერთიან ბაზაში 70 000 და ნაკლები სარეიტინგო ქულით რეგისტრირებული ოჯახების 18 წლამდე ასაკის ბავშვთა უფასო სწავლება სპორტის სხვადასხვა წრეებში (ბავშვთა რაოდენობა: საშუალოდ 932 თვეში).

06 02 06 04 სერვის ცენტრებში სამგზავრო ბარათების დამზადება (ინიციალიზაცია)

2020 წლის გეგმა - 80.0 ათასი ლარი, დაფინანსდა 78.3 ათასი ლარით, რაც გეგმის 97.8%-ია.

საანგარიშო პერიოდში გაწეულია შრომითი ხელშეკრულებით დასაქმებულ პირთა შრომის ანაზღაურების, სხვადასხვა კატეგორიის მოსახლეობისათვის საქალაქო ტრანსპორტზე შეღავათიანი ტარიფით სარგებლობის უკონტაქტო პლასტიკური ბარათების (22055 ცალი) გაცემის, სერვისცენტრის კომუნალური ხარჯების, სერვის-ცენტრში არსებული საბეჭდი მოწყობილობებისათვის სახარჯი და საწმენდი მასალების შეძენის ხარჯები.

მიღწეული შუალედური შედეგების შეფასების ინდიკატორები:

საბაზისო მაჩვენებელი - 2019 წელს გაიცა 81792 პლასტიკური ბარათი

დაგეგმილი მაჩვენებელი - დაიგეგმა 81734 პლასტიკური ბარათის გაცემა

მიღწეული მაჩვენებელი - გაიცა 22055 პლასტიკური ბარათი

განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - შემცირება გამოწვეულია Covid 19 პანდემიასთან დაკავშირებით, საქალაქო ტრანსპორტზე დაწესებული შეზღუდვებით.

06 02 07 სოციალური მზრუნველობის სააგენტოს ხელშეწყობა

2020 წლის გეგმა - 1,683.2 ათასი ლარი, დაფინანსდა 1,255.2 ათასი ლარით, რაც გეგმის 74.6%-ია.

საანგარიშო პერიოდში გაწეულია ა(ა)იპ სოციალური მზრუნველობის სააგენტოს ფუნქციონირების ხარჯები, მათ შორის: თანამშრომელთა შრომის ანაზღაურების, საკომუნიკაციო, საბუღალტრო პროგრამის, ელექტრონული შტამპის, საოფისე ინვენტარის და ტექნიკის, სატრანსპორტო საშუალებების შეძენის ხარჯები და სხვა. აღსანიშნავია, რომ COVID 19 პანდემიით გამოწვეული შეზღუდვების გათვალისწინებით, მუნიციპალიტეტის ტერიტორიაზე მოქმედ საგანმანათლებლო, ჯანდაცვის და ბავშვთა თემებზე მომუშავე დაწესებულებებთან და დაინტერესებულ პირებთან შეხვედრები ვერ განხორციელდა.

საჭიროა მუნიციპალიტეტის ტერიტორიაზე ბავშვის დაცვისა და მხარდაჭერის განმახორციელებელი სოციალურ მუშაკთა ქსელის შექმნა და მათი სამოქმედო უბნების განსაზღვრა დაგეგმილი მაჩვენებელი - სოციალურ მუშაკთა ქსელის შექმნა და მათი სამოქმედო უბნების განსაზღვრა (გადანაწილება 120 სოციალური მუშაკი (მათ შორის 25 უფროსი სოციალური მუშაკი) 10 სამოქმედო უბანზე მდებარე 30 საბავშვო ბაგა-ბაღში).

შეიქმნა სოციალური მუშაკთა ქსელი და განისაზღვრა მათი სამოქმედო უბნები (116 სოციალური მუშაკი (მათ შორის 25 უფროსი სოციალური მუშაკი) გადანაწილდა 10 სამოქმედო უბანზე მდებარე 30 საბავშვო ბაგა-ბაღში).

06 02 09 სამედიცინო და სხვა სოციალური საჭიროებების დახმარების ღონისძიებები

2020 წლის გეგმა - 13,781.2 ათასი ლარი, დაფინანსდა 13,209.1 ათასი ლარით, რაც გეგმის 95.9%-ია.

საანგარიშო პერიოდში ქალაქ თბილისის მუნიციპალიტეტის ტერიტორიაზე რეგისტრირებული საქართველოს მოქალაქეებისათვის ასევე, იმ მოქალაქეებისათვის, რომლებსაც ფაქტობრივი საცხოვრებელი ადგილი გააჩნიათ თბილისში და რეგისტრირებულნი არიან სოციალურად დაუცველი ოჯახების მონაცემთა ერთიან ბაზაში სოციალური დახმარებისა და სხვა სერვისების ხელმისაწვდომობის განხორციელების ხელშეწყობის კომისიის ინფორმაციის თანახმად, ძირითადი მოთხოვნა დაფიქსირდა მედიკამენტების, ოპერაციული მკურნალობის და სხვა სამედიცინო მომსახურებების დაფინანსებაზე. სულ გადარიცხულია 11,151.1 ათასი ლარი. აქედან, დაფინანსდა საშუალოდ 3187 ბენეფიციარის მედიკამენტებით უზრუნველყოფა - 2,839.5 ათასი ლარით, საშუალოდ 4996 ბენეფიციარის ოპერაციული მკურნალობა - 4,451.2 ათასი ლარით და საშუალოდ 4333

ბენეფიციარის სხვა სამედიცინო მომსახურებები - 3,860.5 ათასი ლარით. გარდა ამისა, ბიუჯეტის სარეზერვო ფონდიდან გამოყოფილი 2,217.1 ათასი ლარიდან, სხვადასხვა ღონისძიებების დასაფინანსებლად გადარიცხულია 2,058.0 ათასი ლარი.

საბაზისო მაჩვენებელი - 2019 წელს დაფინანსდა 17469 განცხადება

დაგეგმილი მაჩვენებელი - დაგეგმილია 16000-მდე განცხადების დაფინანსება

დაფინანსდა 12 516 განცხადება.

განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - ცდომილება განპირობებულია COVID 19 პანდემიასთან დაკავშირებული შეზღუდვებით, გეგმიური სამედიცინო მომსახურების შემცირების გამო.

06 02 10 ომის ვეტერანების დახმარება

2020 წლის გეგმა - 105.0 ათასი ლარი, დაფინანსდა 104.7 ათასი ლარით, რაც გეგმის 99.7%-ია.

საანგარიშო პერიოდში განხორციელდა მეორე მსოფლიო ომის ვეტერანებისა და ამ ომში მარჩენალდაკარგულთათვის 9 მაისის დღესასწაულის აღსანიშნავად ფინანსური დახმარების გაწევა. შესაბამისი სტატუსის მქონე პირებისათვის გადარიცხულ იქნა შემდეგი თანხები: ა). მეორე მსოფლიო ომის მონაწილე 149 ბენეფიციარს გადაერიცხა 600-600 ლარი, სულ 89 400 ლარი, ბ). მარჩენალ დაკარგულის სტატუსის მქონე 51 ბენეფიციარს 300-300 ლარი, სულ 15 300 ლარი.

მიღწეული შუალედური შედეგების შეფასების ინდიკატორები:

საბაზისო მაჩვენებელი - 2019 წელს დაფინანსდა 250 ბენეფიციარი.

დაგეგმილი მაჩვენებელი - დაიგეგმა 200 ბენეფიციარის დაფინანსება.

მიღწეული მაჩვენებელი - დაგეგმილი მაჩვენებელი შესრულდა

06 02 11 საქალაქო საავტობუსო ტრანსპორტით, მიწისქვეშა ელექტროტრანსპორტით (მეტრო) საქალაქო რეგულარული სამგზავრო გადაყვანისას უფასო და შეღავათიანი ტარიფით მოსარგებლე პირთა მომსახურება
2020 წლის გეგმა - 37,492.5 ათასი ლარი, დაფინანსდა 100%-ით.

საანგარიშო პერიოდში საქალაქო სამგზავრო ტრანსპორტით (მეტრო, M2 და M3) გადაყვანილია უფასო ან შეღავათიანი ტარიფით სულ 86 473 827 მგზავრი, მათ შორის:

მიწისქვეშა ელექტროტრანსპორტით (მეტრო) და M3 კატეგორიის ავტობუსებით გადაყვანილია სულ 81 780 908 მგზავრი, აქედან: მეტროთი 35 915 615 მგზავრი, M3 კატეგორიის ავტობუსით 45 865 293 მგზავრი. გაწეული მომსახურებისათვის მგზავრთა გადაყვანი შპს „თბილისის სატრანსპორტო კომპანია“ ბიუჯეტიდან დაფინანსებულია 36,044.8 ათასი ლარით, აქედან: მეტროპოლიტენით უფასო და შეღავათიანი ტარიფით მგზავრთა გადაყვანა 15,718.6 ათასი ლარი, ავტობუსებით - 20,326.2 ათასი ლარი.

M2 კატეგორიის ავტობუსებით, სადაც მგზავრობის ფასის გადახდა ხორციელდება ელექტრონული აღმრიცხველი საშუალებების გამოყენებით, მგზავრობის ტარიფის 50%-ანი შეღავათით გადაყვანილია 4 692 919 მგზავრი. მგზავრთა გადაყვანები ბიუჯეტიდან დაფინანსებულია 1,447.7 ათასი ლარით, მათ შორის: შპს

„თბილ ლაინი“ – 616.0 ათასი ლარით, შპს კაპიტალ გრუპი“ – 173.6 ათასი ლარით, შპს „თბილ ქარი“ – 151.5 ათასი ლარით, შპს „ვაზლიქ-ქარი“ – 506.6 ათასი ლარით.

06 02 13 მარტოხელა ხანდაზმულთა დღის ცენტრის ხელშეწყობა

2020 წლის გეგმა - 7,4 ათასი ლარი, დაფინანსდა 1.0 ათასი ლარით, რაც გეგმის 14%-ია.

საანგარიშო პერიოდში დაფინანსებულია ცენტრის კომუნალური ხარჯები, სადაც ყოველდღიურად მომსახურებას იღებს 35 40 ბენეფიციარი. კერძოდ, 792.38 ლარი გადაირიცხა შპს „ვარკეთილაირში“, 146.98 ლარი სს „თელასში“, 95.5 ლარი შპს „თბილსერვის ჯგუფში“.

მომსახურებით ისარგებლა საშუალოდ თვეში 145-მა მარტოხელა ხანდაზმულმა.

06 02 14 უფასო სასადილოებით მომსახურება

დაფინანსებულია 17,798.8 ათასი ლარით (გეგმიური მაჩვენებლის 17,837.0 ათასი ლარის 99.8%-ი). თბილისში ფუნქციონირებს 62 უფასო სასადილო, რომელიც ემსახურება თვეში საშუალოდ 38319 ბენეფიციარს.

06 02 15 გარდაცვლილ მეომართა სარიტუალო ღონისძიებები

დაფინანსებულია 59.5 ათასი ლარით

06 02 16 დანგრეული სახლების მაცხოვრებელთა კომპენსაცია

დაფინანსებულია 6,417.7 ათასი ლარით (გეგმიური მაჩვენებლის 6,437.8 ათასი ლარის 99.7%-ი). საანგარიშო პერიოდში ბინის ქირის საკომპენსაციო თანხებით დახმარება გაეწია 10 რაიონში მცხოვრებ სიით 1874 ოჯახს.

06 02 17 ომის ვეტერანების დახმარება რაიონებში

დაფინანსებულია 39.6 ათასი ლარით (გეგმიური მაჩვენებლის 40.4 ათასი ლარის 98%).

06 02 18 სხვა სოციალური (დახმარების) ღონისძიებები რაიონებში

დაფინანსებულია 24,064.4 ათასი ლარით (გეგმიური მაჩვენებლის 24,300.9 ათასი ლარის 98.8%).

06 02 20 წყალმომარაგების სისტემის მოწესრიგება რაიონებში

დაფინანსებულია 4.0 ათასი ლარით (გეგმიური მაჩვენებლის 11.5 ათასი ლარის 34.8%).

06 02 21 თბილისის მუნიციპალური თავშესაფრის მოვლა-პატრონობა

2020 წლის გეგმა - 1,310.6 ათასი ლარი, დაფინანსდა 1,234.6 ათასი ლარით, რაც გეგმის 94.2%-ია.

საანგარიშო პერიოდში გაწეულია მემორანდუმით (პალიატიური ზრუნვა) გათვალისწინებული ხარჯების ასანაზღაურებლად ა(ა)იპ „წმინდა მამა გაბრიელის სახელობის მიუსაფარ მოხუცთა პალიატიური ჰოსპისისათვის“ – 94.0 ათასი ლარი. ასევე, გაწეულია ა(ა)იპ თბილისის მუნიციპალური თავშესაფრის ფუნქციონირების ხელშეწყობის ხარჯები 1,140.6 ათასი ლარი. საანგარიშო პერიოდში თავშესაფარში იმყოფებოდა საშუალოდ თვეში 115 ბენეფიციარი, მათ შორის კაცი - 65, ქალი - 50.

06 02 22 სოციალურად დაუცველი 18 წლამდე შეზღუდული შესაძლებლობის მქონე პირების დახმარება

საანგარიშო პერიოდში სსიპ „სოციალური მომსახურების სააგენტოდან“ მოწოდებული, ქ.თბილისში „სოციალურად 279 დაუცველი ოჯახების მონაცემთა ერთიანი ბაზის“ მიხედვით, 150 001-ზე ნაკლები სარეიტინგო ქულის მქონე ოჯახებში რეგისტრირებულ 18 წლამდე ასაკის შშმ პირებისათვის, დადგენილი წესით 1049 ბენეფიციარისათვის გაიცა 2020 წლის მაისის კუთვნილი ფულადი დახმარება 400 ლარი, ხოლო დეკემბერში დაფინანსდა 1069 ბენეფიციარი. ასევე, გაცემულია 2019 წლის კუთვნილი ფულადი დახმარება 400 ლარის ოდენობით 61 ბენეფიციარისათვის.

06 02 23 „ვორლდ ვიჟენ საქართველოს“ სოციალურად დაუცველი ბავშვების დღის ცენტრის თანადაფინანსება

საანგარიშო პერიოდში „ვორლდ ვიჟენ საქართველოს“ აღსანიშნავად შესრულებული სამუშაოს ღირებულება (თვეში საშუალოდ 6 520 ლარი). 03.01.2020 წელს გაფორმებული მემორანდუმის ფარგლებში №107-ე ბაღის ტერიტორიაზე არსებულ დღის ცენტრში ხორციელდებოდა ცენტრში ჩარიცხულ სოციალურად დაუცველ ბავშვებზე ზრუნვა (არაუმეტეს 25 ბავშვისათვის თვეში).

06 02 24 სოციალურად დაუცველი მკვეთრად შეზღუდული შესაძლებლობების მქონე უსინათლო პირების დახმარება

2020 წლის გეგმა - 545.0 ათასი ლარი, დაფინანსდა 534.0 ათასი ლარით, რაც გეგმის 98%-ია.

საანგარიშო პერიოდში 2019 წლის კუთვნილი ფინანსური დახმარება გაეწია სოციალურად დაუცველი ოჯახების მონაცემთა ერთიანი ბაზაში რეგისტრირებულ 7 ბენეფიციარს, ხოლო 591 ბენეფიციარისათვის გაიცა 2020 წლის მაისის, 594 ბენეფიციარისთვის აგვისტოს, 588 ბენეფიციარისთვის დეკემბრის კუთვნილი ფულადი დახმარება 300 ლარი, რომელთა ოჯახების სარეიტინგო ქულა ნაკლებია 150 001-ზე.

06 02 25 სოციალურად დაუცველ ოჯახებში ყველა ახალშობილზე ერთჯერადი დახმარება

2020 წლის გეგმა - 593.2 ათასი ლარი, დაფინანსდა 573.5 ათასი ლარით, რაც გეგმის 96.7%-ია.

საანგარიშო პერიოდში ფინანსური დახმარება გაეწია სოციალურად დაუცველი ოჯახების მონაცემთა ერთიან ბაზაში (ოჯახის სარეიტინგო ქულა 100 000 და ნაკლები) რეგისტრირებულ 1168 ოჯახს, რომელთაც შეეძინათ ახალშობილი, (მათ შორის: 755 ოჯახს - პირველი ან მეორე შვილის შეძენისთვის, 230 ოჯახს - მე-3 შვილის შეძენისთვის, 112 ოჯახს - მე-4 შვილის, ხოლო 71 ოჯახს მე-5 და მეტი შვილის შეძენისათვის).

06 02 26 შინმოვლის თანადაფინანსება

2020 წლის გეგმა - 400.0 ათასი ლარი, დაფინანსდა 378.8 ათასი ლარით, რაც გეგმის 94.7%-ია.

საანგარიშო პერიოდში პარტნიორი ორგანიზაციების მიერ ხორციელდებოდა „სოციალურად დაუცველი მოსახლეობის მონაცემთა ერთიან ბაზაში“ 200 000 და ნაკლები სარეიტინგო ქულით რეგისტრირებული თბილისში მცხოვრები ოჯახებისათვის მარტოხელა, საწოლსმიჯაჭვული პირების (ბართელის უძღურების შეფასების ინდექსი ≤ 95) დახმარება - შინმოვლა. მიმწოდებლის მიერ წარმოდგენილი წერილობითი ანგარიშის საფუძველზე ანაზღაურებული იქნა შესრულებული სამუშაოს ღირებულება: „დიაკნის ევანგელურ ლუთერული საზოგადოებისათვის“ - 35.1 ათასი ლარი, „საქართველოს კარიტასისათვის“ - 141.8 ათასი ლარი, „ერთად მოყვასისათვის“ - 100.3 ათასი ლარი, წითელი ჯვრის საზოგადოებისათვის - 90.3 ათასი ლარი და პროგრამაში ჩართული პირველადი ჯანდაცვის დაწესებულებებისათვის - 11.3 ათასი ლარი.

06 02 28 შეზღუდული შესაძლებლობების მქონე პირთა საზოგადოებაში ინტეგრაციის ხელშეწყობა

2020 წლის გეგმა - 1,050.0 ათასი ლარი, დაფინანსდა 912.3 ათასი ლარით, რაც გეგმის 86.9%-ია. საანგარიშო პერიოდში გაწეულია შრომითი ხელშეკრულებით დასაქმებული პირების შრომის ანაზღაურების ხარჯები - 46.2 ათასი ლარი. ასევე, გაწეულია: 18 წლის ასაკის ზემოთ თბილისში მცხოვრები შშმ პირებისათვის, რომლებიც სარგებლობენ დღის ცენტრების (14 დღის ცენტრი) მომსახურებით, მომსახურების 20% თანადაფინანსება, კერძოდ: ა(ა)იპ თავისუფალი პედაგოგიკის ცენტრი - 3154.60 ლარი, ა(ა)იპ კავშირი ია - 4591.40 ლარი, ა(ა)იპ ასოციაცია ანიკა - 5122 ლარი, ა(ა)იპ ბავშვი, ოჯახი, საზოგადოება - 6163 ლარი, ა(ა)იპ კავშირი ადამიანები განსაკუთრებულ ზრუნვას რომ საჭიროებენ - 11168.20 ლარი, ა(ა)იპ შშმბელთა ხიდი - 4453 ლარი, ა(ა)იპ საქართველოს ყრუთა კავშირი - 1393 ლარი, ა(ა)იპ სმენისა და მეტყველების დარღვევის მქონე ბავშვების დახმარების ასოციაცია - 1007.80 ლარი, ა(ა)იპ საქართველოს ფსიქიკური ჯანმრთელობის ასოციაცია - 5139 ლარი, ა(ა)იპ სარეაბილიტაციო და სოციალური ადაპტაციის ცენტრი აისი - 6639.60 ლარი, ა(ა)იპ ავადმყოფთა მომსახურე სასულიერო პირთა ორდენის (კამილიელების) ფილიალი საქართველოში - 5504.80 ლარი, ა(ა)იპ საქველმოქმედო ფონდი საქართველოს კარიტასი - 318.80 ლარი, ა(ა)იპ თაობა - 470.40 ლარი, ა(ა)იპ შშმბლების თანადგომა - 177 ლარი, ჯაშში 14 დღის ცენტრი დაფინანსდა - 55,3 ათასი ლარით. ასევე, დაფინანსდა საგარანტიო შესრულებები სხვადასხვა საჭიროებებისათვის - 718.3 ათასი ლარით (104

განცხადება), ხოლო საპროექტო განაცხადის საფუძველზე გაცემული დაფინანსებები - 92.6 ათასი ლარით, მათ შორის: ა(ა)ი.პ საქართველოს უსინათლოთა კავშირი - გამცილებლის მომსახურება - 18.0 ათასი ლარით, ა(ა)ი.პ საქართველოს ყრუთა კავშირი - 39.3 ათასი ლარით, ა(ა)იპ სმენისა და მეტყველების დარღვევის მქონე ბავშვთა დახმარების ასოციაცია - 15.4 ათასი ლარით, ა(ა)იპ კავშირი ია - 4.0 ათასი ლარით და ა(ა)იპ სამართლისა და თანასწორობის ცენტრი - 15.9 ათასი ლარით.

სხდომის თავმჯდომარემ სხდომის დღის წესრიგით გათვალისწინებული საკითხი ქალაქ თბილისის მუნიციპალიტეტის 2020 წლის ბიუჯეტის შესრულების წლიური ანგარიშის შესახებ კენჭისყრაზე დააყენა:

მომხრე: 5

წინააღმდეგი: 0

თავი შეიკავა: 0

კომისიამ დაადგინა

ჯანმრთელობის დაცვისა და სოციალურ საკითხთა კომისია დადებითად აფასებს „ქალაქ თბილისის მუნიციპალიტეტის 2020 წლის ბიუჯეტის შესრულების წლიური ანგარიშის შესახებ წარმოდგენილ ინფორმაციას, არ აქვს შენიშვნები და მხარს უჭერს საკითხის გადაცემას ქალაქ თბილისის მუნიციპალიტეტის საკრებულოს სხდომაზე განსახილველად.

კომისიის სხდომის თავმჯდომარემ სხდომა დახურულად გამოაცხადა.

ჯანმრთელობის დაცვის და სოციალურ
საკითხთა კომისიის თავმჯდომარე



გიორგი ბირბიჩაძე